

Панихида

Возглас священника. Аминь. Трисвятое. Аллилуия (трижды).

Тропарь, глас 8-й

Глубиною мудрости человеколюбно вся строяй,/ и полезное всем подаваяй,
едине Содетелю, упокой, Господи, души раб Твоих,/ на Тя бо упование
возложиша,/ Творца и Зиждителя и Бога нашего. *(Дважды)*

Слава, и ныне.., Богородичен:

Тебе и стену, и пристанище имамы,/ и молитвенницу благоприятну к Богу,
Егоже родила еси, Богородице безневестная, верных спасение.

Тропари, глас 5-й

Благословен еси, Господи,/ научи мя оправданием Твоим.

- Святых лик обрете источник жизни, и дверь райскую,/ да обрящу и аз путь
покаянием./ Погибшее овча аз есмь, // воззови мя, Спасе, и спаси мя.

Благословен...

- Агнца Божия проповедавши, / и заклани бывше якоже агнцы, / и к жизни
нестареемой, святии, / и присносущней преставльшися. / Того прилежно,
мученицы, молитесь // долгов разрешение нам даровати

Благословен...

- В путь узкий хождшии прискорбный, / вси в житии крест яко ярем взявшии,
/ и Мне последовавшия верою, / приидите насладитесь, / ихже уготовах вам
почестей, // и венцев небесных.

Благословен ...

- Образ есмь неизреченная Твоя славы, / аще и язвы ношу прегрешений; /
ущедри Твое создание, Владыко, / и очисти Твоим благоутробием, / и
вожделенное отечество подаждь ми, // рая паки жителя мя сотворяя.

Благословен ...

- Древле убо от не сущих создавый мя, / и образом Твоим Божественным
почтый, / преступлением же заповеди / паки мя возвративый в землю, от

неяже взят бых; / на еже по подобию возведи // древнею добротою
возобразится.

Благословен ...

- Упокой, Боже, рабы Твоя/ и учини я в раи, / идеже лица святых, Господи, /
и праведницы сияют яко светила; / усопшия рабы Твоя упокой, // презирая их
вся согрешения.

Слава:

- Трисиятельное Единого Божества благочестно поем, вопиюще: / Свят еси,
Отче Безначальный, / Собезначальный Сыне, и Божественный Душе, /
просвети нас верою Тебе служащих, // и вечного огня исхити.

И ныне:

- *Богородичен:* Радуйся, Чистая, Бога плотию рождающая во спасение всех, /
Еюже род человеческий обрете спасение, / Тобою да обрящем рай, //
Богородице чистая благословенная.

Аллилуия, аллилуия, аллилуия, / Слава Тебе, Боже. (Трижды)

Седален, глас 5-й

Покой, Спасе наш, с праведными рабы Твоя, / и сия всели во дворы Твоя, /
якоже есть писано, / презирая, яко благ, прегрешения их, / вольная и
невольная, // и вся яже в ведении, и не в ведении, Человеколюбче.

Богородичен: От Девы возсиявый миру, Христе Боже, // сыны света Того
показавый, помилуй нас.

Канон, глас 6

Песнь 1

Ирмос: Яко по суху пешешествовав Израиль, / по бездне стопами, / гонителя
фараона / видя потопляема, / Богу победную песнь // поим, вопияше.

Запевы: Покой, Господи, / души усопших раб Твоих.

Слава Отцу и Сыну, / и Святому Духу.

И ныне и присно, // и во веки веков, аминь.

Песнь 3. Ирмос: Несть свят, / якоже Ты, Господи Боже мой, / вознесый рог верных Твоих, Блаже, / и утвердивый нас на камени // исповедания Твоего.

Запевы: Покой, Господи...

Песнь 4

Ирмос: Христос моя сила, / Бог и Господь, честная Церковь / боголепно поет, зывающи // от смысла чиста, о Господе празднующи.

Запевы: Покой, Господи...

Песнь 5

Ирмос: Божиим / светом Твоим, Блаже, / утренюющих Ти души / любовию озари, молюся, / Тя ведети, Слове Божий, / истиннаго Бога, // от мрака греховнаго зывающа.

Запевы: Покой, Господи...

Песнь 6

Ирмос: Житейское море, / воздвигаемое зря напастей бурею, / к тихому пристанищу Твоему притек, вопию Ти: / возведи от тли живот мой, // Многомилостиве.

Малая заупокойная ектения

Господи, помилуй. Подай, Господи. Господи, помилуй. Аминь.

Кондак, глас 8

Со святыми упокой, / Христе, души раб Твоих, / идеже несть болезнь, ни печаль, / ни воздыхание, // но жизнь безконечная.

Икос: Сам един еси бессмертный, / сотворивый и создавый человека: / земнии убо от земли создахомся, / и в землю туюжде пойдём, / якоже повелел еси, создавый мя и рекый ми: / яко земля еси, и в землю отыдеши: / аможе вси человецы пойдём, / надгробное рыдание, творяще песнь: // аллилуия.

Песнь 7

Ирмос: Росодательну убо пещь / содела Ангел / преподобным отроком, / халдеи же опаляющее / веление Божие, мучителя увеща вопити: // благословен еси, Боже отец наших.

Запевы: Покой, Господи...

Песнь 8

Ирмос: Из пламене преподобным росу источил еси / и праведнаго жертву водою попалил еси: / вся бо твориши, Христе, токмо еже хотети. // Тя превозносим во вся веки.

Запевы: Покой, Господи...

Иерей: Богородицу и Матерь Света в песнях возвеличим.

Хор: Дуси и души праведных восхвалят Тя, Господи.

Песнь 9

Ирмос: Бога / человеком невозможно видети, / на Негоже не смеют чини Ангельстии взирати; / Тобою же, Всечистая, явися человеком / Слово Воплощенно, / Егоже величающе, / с небесными вои Тя убожаем.

Тропари, глас 4

Со духи праведных скончавшихся, / души раб Твоих, Спасе, упокой, / сохраняя их во блаженной жизни, яже у Тебе, Человеколюбче.

В покоищи Твоем, Господи, / идеже вси святии Твои упокоеваются, / упокой и души раб Твоих, яко Един еси Человеколюбец.

Слава: Ты еси Бог сошедый во ад, и узы окованных разрешивый, / Сам и души раб Твоих упокой.

И ныне: Едина чистая и непорочная Дево, Бога без семене рождающая, / моли спастися душам их.

Диакон: Помилуй нас, Боже...

Хор: Господи, помилуй. Трижды.

Иерей: Премудрость! Пресвятая Богородице...

Хор: Честнейшую Херувим / и славнейшую без сравнения Серафим, / без исления Бога Слова рождшую, / сущую Богородицу, Тя величаем.

Диакон: Во блаженном успении вечный покой подаждь, Господи, усопшим рабом Твоим [имярек], и сотвори им вечную память.

Хор: Вечная память,.. (трижды). Души их во благих водворятся, и память их в род и род.